

Te taata 'toa' e ere te Tavana e te haava, o tei hingaaro i te hoe hohoa o teienci vaa, aulau mai ia e 3 farane no na avae etoru.

Faaau mai ia Tepito te nezei parau i Papeete.

TE VEA NO TAHITI,

Ei haaparare raa i te parau rii api e faufaa hia i to te mau fenua i roto i te Hau Tamaru; e neia i te mau mahana maha toa.

O te feia hoo-taoa, e te mau taata e haapao i te tau raa taoa, e tia ia ia nenei atoa hia ta ratou mau parau faaite i roto i teienci vaa, ia aulau mai ratou 1 farane no te reni hoe.

Faaau mai ia Tepito te nezei parau.

PARAU NO TE TUAMOTU MAI.

E parau rii tei papai hia mai nei i te tavana mai te Tuamotu mai, o tei faaite hia mai e Teina te Auvaha o te hau Tamaru i reira.

Notua mau parau hoi i faaite hia mai e anara, i te maitai hia e, te huru maitai roa ra vetahi o te mau haapao raa, e te mau ohipa i titau hia mai e te Ture; o tahi paeau ra, te toaruaru rii noa ra ia. Ua faaite papu mai hoi Teina e, te faaati pinepine ra oia i te fenua, e te faaitoito haere ra i te mau ohipa hau i titau hia mai e te Ture, e te huru itoitoe roa ra hoi tahi pae taata i te rave papu raa i taa mau ohipa ra; te ana raa i te mori, e te tanu raa i te haari.

Eiaha roa tu hoi ia moe noa e i to te Tuamotu e, o na ohipa noa iho a tei reira, e faufaa hia i to ratou mau fenua, e e taoa hia i ratou. Ovai atu hoi te taata e faufaa hia i te haari, e tanu haere hia ra i te Tuamotu? E ere aenei o ratou iho e mau taata mau o te fenua? Ua ite maitai hoi ratou e, aita tu e maa e ae e tupu i to ratou ra fenua, maori ra, o te haari anae ra; o ta ratou hoi ia maa, e o te mori atoa hoi e roa mai no roto i taua mau haari ra, te ravea e taoa hia i ratou.

Riro atura hoi te tanu raa haari, ei ravea paari, e te maitai; e tapao hoi ia e, te hio tia ra te taata i mua. E haari rahi a hoi tei Ana i teienci; eiaha ra e tiaturi noa i tei reira, e haamano atoa ra hoi i te urapi, ia rahi atoa hoi ta ratou ravea e taoa hia i a muri nei. Te ateatea noa ra hoi te fenua, aita i ati roa i te tanu hia; e tanu maite a ra, e ia api roa i te haari e tia. E ere hoi te ohipa rahi ia haapao maitai hia te ture; ia tanu maite te taata i tana tau haari rii, tana tau haari rii. Ia na reira maite hia hoi i te mau avae atoa, eita ia erorou, ua api roa te fenua i tei reira taoa maitai.

Eiaha ra hoi e, o to Ana anae ra te na reira. Ua haapao hia hoi te Ture, e teie atoa nei hoi parau, no te mau fenua toa i te Tuamotu. Ua itea hoi e, te rahi ra te haari i Ana; area ra vetahi mau fenua, te varavara noa ra ia te haari i reira. E faaitoito maitai atoa ra hoi ratou e tia, i te imi raa i te ravea e taoa hia i to ratou mau fenua. Ua ite maitai ra hoi ratou atoa e, Aita mau a e ravea e ae io ratou ra, e taoa hia, maori ra o te haari anae ra, o tei reira anae ra hoi ta ratou tiaturi raa; ta ratou ia maa, e ta ratou atoa hoi ia taoa.

E mahera ra hoi te feia paari atoa o te Tuamotu, i te faatia papu mai i te tia raa o teienci

parau, e e riro ratou i te faaitoito papu i taua mau ohipa nei, ma te tuutuu ore. E mauuru rahi roa hoi to te Tavana i te faaroo raa e, te faatia papu ra ratou i te mau parau a te hau, e te imi atoa ra hoi i to ratou iho maitai.

E maa iti maitai roa atoa hoi, tei hapono hia aenei na to te Tuamotu, e tanu, oia hoi te Atitua. Etupumaitai roa tei reira maa i nia i te fenua one. Raycrahi hoi to Tahiti i tamata i taua maa; e note au rahi o taua maa i ratou, ua tii mai ratou te huero, ei tanu haere raa i nia i to ratou mau fenua. E na reira toa ra hoi to te Tuamotu e tia, ia rahi hoi te maa i nia i to ratou ra mau fenua.

Ua faaitoito maite hoi te rahi o te taata i te Tuamotu i te rave raa i te mau ohipa, i titau hia mai e te ture, no te ohipa hau. O tahi paeau iti roa ra, tei faaite hia mai nei e te Auvaha ra e Teina, e aita i rave, ua patoi mai hoi ratou i taa maa ra. Ua ui mai nei ra hoi Teina, i te ravea e au i taua mau taata ra. Te maramarama noa nei ra hoi tei reira, tei roto i te Ture XXXII, e te Irava 8. Ua faaite papu hia mai hoi i reira, te utua e au ia tuu i nia i te feia e patoi mai te ohipa hau. Ta Teina ra hoi ia ravea; ia patoi mai hoi te taata i te ohipa hau ra, e faaue atu ia oia i te haava, e haava e e faautua tu ia ratou ma te au i te Ture. I teienci ra hoi, o te feia e patoi mai i taua ohipa hau ra, te imi maite ra ia i to ratou iho peapea.

E maa peapea iti api ra hoi tei tupu aenei i Ana, i roto i te mau haapii raa. Ua nehenehe na hoi te mau haapii raa i reira, e ua tuu haere hia hoi te feia haapii i nia iho. I muri aenei ra hoi, ua haere atura vetahi mau taata e i reira, e a o tohe ai ratou i nia i te pure raa, e te faaroo, ua faatupu haere ratou i te afafa raa i roto i taua mau haapii raa ra. Aita hoi ratou i haamano iho e, e mea e roa te pure raa, e mea e atoa hoi te haapii raa i te taio parau, te papai parau, te numera etc. Ua faaite papu hia hoi i nia i te paeau o te faaroo e, e tia noa i te taata ia haapao i tana i au; e vahiti tiana roa hoi tei reira. E paruru maite hoi te hau i te mau huru faaroo atoa. O te feia ra hoi e faaairo i tei reira ei lumu, no te faatupu raa i te peapea e te afafa raa i roto i te mau haapii raa, ua hapa roa ia feia. I teienci ra hoi, te faaite papu hia tu nei ratou, E ia ore ratou ia faaea roa i ta ratou haapeapea raa, e tiavaru e hia ia ratou, eita e haaparahi faahou hia i nia i te fenua.

PARAU-FAAITE I TE MAU MATAEINAA.

I roto i te *Vea* no te *Tapati* i mairi aenei; ua ani hia'ia to te mau mataeinaa, e faaite mai i to ratou hinaaro i te tuhua moni e vai nei i roto i te afata. *No te faaitoto raa i te ohipa faaapu i roto i te mau mataeinaa*, i teienei ra hoi, te faaite hia tu nei te rahi raa o taua mau moni ra, to taua hia i reira mai te matamua mai a, e tae noa mai i te mahana 1 no Atopa o teienei matahiti, E hiopoa maitai iho ra to te mau mataeinaa i teia raa, e maitai mea e, ua haava noa e te hoe vahiti ra, e faaite oioi mai ia, no te mea, aita roa tu e hau i hinaaro e ia hapa noa e tehoe cenetima iti.

Teie ra te rahi raa o taua moni ra.

MATAEINAA.

Rahi raa o te moni.

	farane: cenetima.
PAPEETE e PAPAQA.	363 11
HAAPAPE.	154 10
PAPENOO.	166 65
TIAREI.	125 00
MAHAENA.	84 17
HITIAA.	117 82
AFAAHITI.	0 00
PUEU.	147 21
TAUTIRA.	55 00
TEAHUPOO.	130 97
MATAOAE.	53 33
VAIRAO.	176 34
TOAHOTU.	43 33
PAPEARI.	293 30
PAPEURIRI.	112 17
ATIMAONO.	67 74
PAPARA.	232 00
PAEA.	306 42
PUNAAUIA.	286 96
FAAA.	478 60

MOOREA.

PAPETOAI.	126 98
VARARI.	40 00
MORUU.	111 32
HAAPITI e TEAVARO.	185 00
ATIMAHA.	108 33
MAATEA.	100 81
HAUMI.	155 42
AFAREAITU.	182 81
TEAHAROA.	204 40

Ia amui hia. 4608 79

NO TE MAU OHIPA HAU.

Mai na mahana mai a i mairi aenei, e itoitio rahi roa ia ta to Papeete nei, i te taitai raa e te tanu faahou raa i te maa i roto i te auu hau, e maururu rahi roa hoi to te Tavana i te hio raa i ta ratou ohipa i rave; ua faanehenehe roa hoi ratou i te auu, ua patu faahou i te mau vahiti i parau; e ua tanu atoa hoi i te maa i roto. Ua fatata roa i te oti i teienei; e mahere paha i teienei a tapati i mua nei e oti roa tu ai. Ua auu na hoi ratou i taua auu ra na ropu i te matamua, ia taua e atu hoi ta to Arue paeau, ia taua mai ta to Pare; ua na reira hia hoi ia itea maitai hia te feia mau i faatau. I mutaa e nei hoi, aita ia i itea maitai hia, no te mea hoi, tahi noa iho a ia ta ratou auu rahi, ta to Pare, e ta to Pare.

O taua ohipa maitai rahi rahi i rave hia e to Pare nei, no te itoitio rahi ia, e te puai o te Toohitu ra o Arabu; ua faaitoto papu hoi oia i taua ohipa ra, e ua haere maitai i reira i te mau mahana toa, i te faaitoto raa, e te rave hua toa raa hoi. Ua faaite papu mai hoi oia, na roto i teienei ohipa, e te taata itoitio oia, te puai hoi, e te imi i te maitai o tona fenua. E i muri a e iana, e tia toa ia ia faaite i te ioa o te haava raa Tani, o te tauturu maitai atoa tu hoi iana i te rave raa i taua ohipa nei.

Parau faaite i te tavana e te hui raatira o te mau mataeinaa.

E tia noa i te mau mataeinaa e vai i pihaiho i te mau vahiti e tia ia tutau hia e te pahi, ia ota haere i te vahie, i roto i to ratou raa mau mataeinaa. Te hinaaro nei hoi te Tavana, i te hoo i te vahie e ota haere hia e to te mau mataeinaa, ia tae atu hoi te moni i roto i to ratou rima.

I teienei ra hoi, e tia i te mau mataeinaa toa, e huru fatata roa i te vahie tutau raa pahi, ia ota i te vahie, e afai hoi i taitai, apapa maitai atu ai. E ia puo ra, a papai mai i te Tavana nei, e faaite maitai hia, e nana e tono atu i te mau pahi rii o te hau, e faaata mai i taua vahie ra i Papeete nei. I Moorea ra hoi, e tia noa ia i to Papeete, e to Haumi ia ota i te raa, no te mea hoi, e tutau raa maitai i to reira, e tia toa hoi i te mau mataeinaa e fatata i reira, ia na reira toa, a tavea mai ai i ta ratou raa i taua na mataeinaa ra.

E tia toa hoi na mataeinaa e fatata mai i Papeete nei, ia na reira toa; oia hoi Papeete, Haapape, Faaa e Punaauia; e tia noa hoi i te mau pahi rii o te Hau ia faatere atu i te reira mau mataeinaa. O te mau mataeinaa toa hoi i pihaiho atu, e hio noa ia outou, e e tia i te pahi ia tutau i reira ra, e ota atoa ia i te raa, a apapa maitai atu ai i taitai.

E ravea e homa, te reira ia tae atu a te moni i roto i to outou na rima. Inaba hoi, na te hau nei e tia atu, e hoo hoi oia i tana i hinaaro nana iho ra; e toa toa ra, e hoo hia ia i nia i te pahi, ma te haapao maitai a hoi i te hoo mau i Papeete nei.

NO TE VAUVAU RAA PUAATORO.

Ua faaroo hia aenei e, te faatupu haere rii hia ra te tanupu i roto i vetahi mau mataeinaa, i nia i te vauvau raa puatoro taetaeva. Eiaha ra hoi e na reira hia; e mea e roa hoi te vauvau haere i taua mau puatoro ra, ma te hinaaro e e faaaro na ratou iho na roto i te tapao raa, e te faaaro raa na ratou iho; e mea e hoi te vauvau haere raa i te mau puatoro tapao ore hia, ma te au i te mau faaue raa a te Tavana. O te feia hoi e haere e vauvau i te mau puu tapao ore hia, e e puto mai hoi i Papeete nei ra, eiaha ia e haapeapea hia, no te mea te au ra ta ratou i nia i te ture. E hio noa ra hoi te tavana; te haava, e te feia toroa, e e puatoro tapao ore mau hia ra; e mea maitai ia, e faaite mai ia ratou i te Tavana nei. Eiaha roa tu ra hoi taua ohipa nei e haapeapea hia.

PAEAU PARAU NO TE HAU.

No te faatia raa a tona hanahana, Pomare te Arii vahine o te mau fenua Toiataite, e te Tavana, te Auvaha o te Repupirita.

Ua faatoroa hia Haumani, ei mutoi no te mataeinaa ra o Papeete, ei mono ia Patiahia, o tei faaore hia te toroa no te haapao ore.

E aufau te Tavana, te Auvaha o te Repupirita na teienei taata toroa, ei utua no tona toroa, i na farane e toru hanere e ono ahuru i te matahiti hoe.

E papai hia te hohoa o teienei parau toroa i te hiopoa raa, e i te fare no te e.

Papeete, te 1 no Atopa 1851.

Te Arii vahine o te mau fenua Toiataite.

Te Tavana, te Auvaha o te Repupirita.

Papahia: POMARE.

Papahia: BONARD.

Papahia te hohoa i te fare toroa o te e;

Te e o te Tavana.

Papahia: LOUBERE.

NO TE MAU AUA O TE HAU.

I te mahana 21 o te avae i mairi aenei; ua uta mai te pahi iti tira aha o te hau ra o Moorea, i te umara e te ufi. No Teahupoo mai, i paeroumara e te vaahaa. No Vaia mai 18 ia paero umara e te vae baa, e 8 paero ufi; e no Toahotu mai i 14 ia paero ufi. Te hoo hia nei te ufi na nia i te paunu, tai 10 cenetima i te paunu hoe. Ua faaue aenei hoi au, ia faia maitai hia te rahi raa o te paunu i roto i te paero hoe, ia tu hoi e; 150 mau paunu; tai 10 hoi cenetima i te paunu hoe ra, toa mura ia 15 farane. E mea rave ata rahi roa hoi te hoo raa i te ufi na nia i te paero, no te mea, e maa rarahi. Ia na nia hia ra hoi i te paunu, hoe noa iho a ia hoo, rahi noa tu a te ufi, e iti noa tu?

Ua hoo hia te taro no Papeuriri i roto i te matete; na te taata i uta mai i hoo, maitai tei faaue hia mai a hoi e te tavana no Papeuriri, 11 farane i roa mai.

Ua pe anae hoi te mau umara i hapono hia mai nei; ua parau hia tu ra hoi outou e, o te umara maitai anae te hapono mai. Tera paha te mea maitai, e hoo noa iho i roto i te mataeinaa na. Aita e faufaa ia hapono mai i te mea pe; no te mea, te hui hianei ia i rapae.

Teie mai nei na farane 130, o tei vaiho hia e Mataitai te haava no Afaahiti, i roto i te rima o te raatira i Taravao, mai tana hoi i faaite mai i te mahana 10 no Atete i mairi aenei. I hinaaro te Tavana, e te feia toroa e te tii mai i ta ratou tuhara ra, a tii mai.

Faatititafaro raa i te parau i faaite hia i te VEA no te tapati i mairi aenei.

E hapa rahi roa ta to te mau mataeinaa i te taio raa i te Vea, no te tapati i mairi aenei, i te parau. « No te faaitoto raa i te mau mataeinaa. » Aita hoi i parau hia tu e, e maitai iho outou i te feia itoitio o te mataeinaa. Aita roa tu ia parau i na reira noa hia e. Teie ra tei parau hia tu; « E faaite mai i ta outou i hinaaro, O te moni ra, tei reira ia; o te pen rii hoi no te faaapu raa ra, otei reira ia. Tirara te parau hia tu ia outou. O te feia itoitio raa, ia tae atu ia te tavana maitai hia i ratou i roto i te Apoo raa, ia ite maitai hoi te tavana i te huru o ta ratou ohipa.

Temau pahi i tapae mai, mai te mahana 25 mai o Teitema.

Tira piti farani o Ariipaea, tapena Pichou, mai Ana mai.
Tira piti beremani, o Hermann Louis, tapena Heasely, mai Oahu mai.

Te mau pahi i reva.

Tira piti baratane o Helen, tapena Gardner ua reva i Oahu,
Tira piti farani, o Mary Anne, tapena Johnson ua reva i Tupuai.